

Uunga siunnersuut: Ukiutut aningaasanut inatsiseqarfiusumut 2015-imut Inatsisartut a-ningaasanut inatsisigallagassaat

§ 1. Ukiutut aningaasanut inatsiseqarfiusumut 2015-imut Inatsisartut aningaasanut inatsisaata akuersissutigineqarnissaata tungaanut akileraarutit inatsisitigut tunngavillit akilersinniarnissaannut Namminersorlutillo Oqartussat aningaasatigut isertitaasa allat pigiinnarnissaannut Naalakkersuisut piginnaatinneqarput. Piffissap tamatuma iluani aningaasartuutit Naalakkersuisut, sullissiveqarfiiit suliffeqarfiiillu ingerlatiinnarneqarnissaannut pisariaqartinneqartut kiisalu suliniutit allat inatsimmik, siornatigut aningaasanut inatsimmik imaluunniit aningaasaliissutit tunniunneqartut allat akilernis- saannut Naalakkersuisut piginnaatinneqarput.

§ 2. Nunamut tamarmut akileraarutip procentia allannguuteqartinnagu 10%-iussasoq aalajangiun-neqarpoq. Nunamut tamarmut immikkut akileraarutip allannguuteqartinnagu 26 %-iuinnarnissa aalajangiunneqarpoq. Akiliisitsilluni aallaaniartitsinermi aalisartsinermilu akitsuutit uumasumut ataatsimut umimmammut allannguuteqartinnagu 2000 kr.-imut, uumasumut ataatsimut tuttumut 1.000 kr.-imut, uumasut aallaaniartakkat aallaaniarsinnaanerannut akuersissut ullaat unnuallu arfineq marluk aallartinnerannut 1.000 kr.-imut, aalisarnissamut akuersissut ullormut unnuamut/sapaatip akunneranut/qammammut 75 kr.-imut/200 kr.-imut/500 kr.-imut aalajangiunneqarpoq.

§ 3. Naalakkersuisut ukiumut aningaasaliiffiusumut 2015-imut aningaasanut inatsisissatut siunnersuutip akuerineqarnissaata tungaanut piginnaatinneqarput Den Europæiske Union-imik (EU) piffissami 2014-2020-imut suleqatigiinnissamik isumaqatigiissutip 2014-2020-imut naatsorsuutigi-neqartutut -1.634.000.000 kr.-it tikillugit aningaasartalerlugu kiisalu Europæiske Union-imik (EU) piffissami 2016-2020-imut naatsorsuutigineqartutut ukiumut -129.623.000 kr.-inik aningaasartalerlugu isumaqatiginninniarnerit ingerlasut ingerlatiinnarsinnaanissaanut. Naalakkersuisut piginnaatin-neqarputtaaq piffissami 2014-2020-imut EU-mik Danmarkimillu suleqateqarnissaq pillugu ataatsimut nalunaarummik atsiuisinnaanissaminnut.

§ 4. Inatsisartut Aningaasaqarnermut Ataatsimiitaliaanit akuerineqartussanngorlugit Inatsisartut imatut piginnaatisippot:

- 1) Sanaartugassanut ingerlanneqareersunut katillugit 300 mio. kr. tikillugit aningaasartuuteqarsin-naanissamut.
- 2) Suliassanut pilersaarutigineqartunut aallartinneqareersimasunullu katillugit 30 mio. kr. tikillugit aningaasartuuteqarsinnaanissamut.
- 3) Namminersorlutik Oqartussat inissiaataani attartortittakkani aningaasartuuteqaqqinnissamut ilu-arsaanissanillu aallartitsinissamut katillugit 50 mio. kr. tikillugit.

§ 5. Naalakkersuisunit akuerineqartussanngorlugit Inatsisartut imatut piginnaatisippot:

- 1) Inissianik attartukkanik tunisineq -7 mio. kr. angullugit aamma tassunga atasumik 1,5 mio. kr.-it angullugit aningaasartuuteqarsinnaanermut.
- 2) Boligstøtte atorlugu illuliat sinneruttut tunineqarnerinut -7 mio. kr.-it angullugit.
- 3) Nammineerluni illuliornissamut neriorsuinernut 20 mio. kr.-it angullugit.
- 4) Boligstøtte atorlugu illuliat iluarsaannissaannut tapiissuteqarnissamik neriorsuinernut 5 mio. kr. angullugit.
- 5) Boligstøtte atorlugu illuliat iluarsaannissaannut immikkullu ittumik aserfallatsaaliniissaannut taarsigassarsitsinermut 5 mio. kr.-it angullugit.

§ 6. Inatsisartut Naalakkersuisut piginnaatippaat:

- 1) Kalaallit Nunaanni ilaasunik, allakkanik nioqququtanillu assartuinermi assartuisartunik Anin-gaasaqarnermut Akileraartarnermullu Ataatsimiititaliap akuersissuteqarneratigut isumaqatigiissutisanik naammassinninnissaminut kiisalu,
- 2) Aningaasaqarnermut Akileraartarnermullu Ataatsimiititaliap akuersissuteqarneratigut missingersuutinut sunniuteqartussaanngitsumik aningaasartuuteqarnissaminut Great Greenland A/S-ip 5 mio. kr. tikillugit aningaasaliiffigineqarnissaanut.

§ 7. Inatsisartut Naalakkersuisut piginnaatippaat:

- 1) aatsitassanut inatsit naapertorlugu akuersillutik nalunaaruteqartarnissaminut aammalu aatsitasanut inatsit naapertorlugu akuersilluni nalunaarutaareersunik sulianik ingerlatseqqiinnarsinnaanisaminnut tassunga ilanggullugit atuinissamut akuersissutit aallartinnissaanut piumasaqaatinut aamma soorlu IBA isumaqatigiissutinut tunngatillugit isumaqatiginninniarnernik ingerlatsiinnarsinnaanissaminut.
- 2) sulianut kinguartinneqarsinaanngitsunut tunngatillugu sulianik aalajangersimasunik aalajan-giisarnissaminnut soorlu kulbrintinut tunngatillugu akuersissutinut nalunaarutigineqareersimasunut ilassutinik akuersisarnissaminnut sivitsuisinnaanerit, sulinissamut pilersaarutit apeqqutillu allat inuaqatigiit aningaasaqarniarerat eqqarsaatigalugu Naalakkersuisunit aalajangiiffigisariaqartut eqqarsaatigalugit.

§ 8. Inatsit una atuutilissaaq 1. januar 2015-imi.

Kalaallit Nunaanni Namminersorlutik Oqartussat, ulloq 1. oktober 2014

Kim Kielsen